

DEO OPTIMO MAXIMO VNI ET TRINO.
VIRGINIQUE DEIPARÆ.
ET SANCTO LVCÆ, ORTHODOXORVM MEDICORVM PATRONO.

QVÆSTIO MEDICA.
QVOD LIBETARIIS DISPVATIONIBVS MANE DISCVTIENDA
IN SCHOLIS MEDICORVM DIE IOVIS XX. NOVEMBRIS.
M. GEORGIO IOVDOVYN Doctore Medico, Moderatore.

Estne decimestris partus perfectissimus?

899



RTA principiis respondet, Deus infinitatis suæ vestigia, creatis omnibus inesse voluit, perfectioribus accuratiora, quantum non noxia corpora tardant; in primis orbiculari conformatione, stupendorum naturæ & artis operum causâ, cuius beneficio cæli movent, ut moventur assidue simul in aduersas partes, immobiles; generationis & interitus, tempora dirigunt; omniumque sublunarium periodos metiuntur, quibus vndique circuli, & cyclophoriæ character imprimitur. Perfectissimum & optimum, quavis in re, naturæ finis est: cyclophoria tempore, naturâ, dignitate motuum primus, cæterorum finis est, efficiens, & mensura; cui nec addi potest nec detrahi, solus æquabilis & infinitus: semper est in fine, simul & ad finem; idcircoque perfectissimus. Quapropter non (soli corporibus inest, meræ figuræ communicationes; sed & humores, spiritus, functiones omnes, morbos, mores, & hominum cogitationes circulo moderatur, ut omnia circulo fiant, & consent.



N causarum naturalium connexa serie, quæ nobis intuentibus occurrunt, inter opus nobilissimum, & opificem potentissimum constituta; media sunt huius operis producendi, perficiendi, conseruandi; vel opificis organa diuini agentis; in vnius utilitatem nata, vnus omnium finis, & mensura. Homo illud est opus nobilissimum; vniuersæ naturæ τελειosis, rerum omnium in Archetypum resluentium circuli centrum, & accurata τελειωσις τῆς ἡλίου; opificis potentissimi, & perfectissimæ cyclophoriæ; quæ solaris est reuolutione, dotibus omnium cumulandus: perfectissimus perfectissimâ cyclophoriâ debet absolui; nec dum numeris omnibus est absolutus, quin ad viuis plectantur; hinc sanitas, & morbus; varij motus, & generandi lactis γεννημαίαι; abortus, & singula graviditatis γενναίαι; quæ si velut in morbis, tempore non elu-



VARE, licet homo libero spatietur orbe, vnus omnes omnium virtutes inuoluens; generandi perpetuum, & fortè pariendi semestris tempus obineat; septimæ tamen quadragenariæ qualitatibus exornatus, & quartæ tempestatis, decimi mensis initio perfectissimus emergit. Septimestris, proportionem quidem constat, & viuunt; septem mensium lunarium viribus, & commutatione secundæ tempestatis, in asymbolam; vnde natius calor materiæ potens emicat, cuique fuerat satis à prima conformatione, cordis & arteriarum motus; transpirationis auxilio, naribus & ore respirationem, vsumque materni lactis, refrigerio cogitur accerere. Vix tamén euadit ex multis vnus, siue nascantur septimo mense ineunte, siue exacto; quamuis corpore valentes, & σκληροὶ, repentinâ plurius mutationum vehementiâ pusilli impares occumbunt, facultatibus nondum firmati. Nec fugax ille septimestris vigor, vltra vnum vel alterum diem prorogatur, in octimestrem cacopathiam illico commutatus.



OETVS octimestris, à septimestri concussione, propter vmbilici tensionem, & alimenti locique mutationem grauiter ægrotans; vitales auras numquam diu traxit, accedente alterâ malorum iliade, quam partum comitari necesse est, & consequi, maximè dum temporibus malè ominatis contingit, quibus à natura nihil feliciter vnquam suscipitur, qualis est sexta quadragenaria, inertâ senarij formidabilis. Vnde nouimestris ipsi vix enutriti queunt, viribus fractis, & ægritudine diuturnâ nondum perfectè functi, mutationes insignes subire coguntur, cuique periculosissimas. Et mox editis ἡμεῖς χαλεπὰ πέποντα κατὰ τὴν συνάφειαν, excrementa scilicet & alimenta, ductibus infectis, singula suis locis dispensantur, tempore nec loco similia: Quique naturâ sapientissimâ ducere regebantur omnia pro re natâ moderante; inanibus hominum studiis commissi, sæpe coguntur vtroque appetitu renuente cibos admittere, morborum lethaliū causas; accedit ambientium durities insolens & asperitas; aërisque qualitatibus aduersi, tenella penetralia subeunt iniuria, quæ viris ipsis, necis est causâ frequentior.



PATISTEYEI τὰ πρὸς ἡλίου συνάφειαν, quadragenariis & tempestatibus, quibus Sol viuientium parens, omnia moderatur auctoritas prima iudicandi. Harum viribus & qualitatibus asymbolis crebrò iactatus puer, denuò cuditur, & occurſu contrariorum firmatus, tandem valentior euadit, temperiei veteris, & succi cuius concretionem coaluit, dominatur. Singula suis & homophylis maximè vigent & augeſcunt: tempestas quæ posuit generationis nostræ rudimenta, eadem recurrens futuræ perfectionis, ortu opportuno promouet incrementa. Quapropter decimestris fœtus septem quadragenariorum periodo, quartæ tempestati restitutus incolumis, & sibi, paucis diebus multum proficit, repentinè viribus insigniter auctis, & insito calore; vnde liberioris auræ cupidus, & externis iniuriis obſistere paratior, angustius domicilium effodit, & alienum locum fugiens, crebris ictibus vterum laeſſit, cuius impulsu & conspiratione mutua, molestum pondus excutere nitentis, ἐκ τῶν χαλεπῶν, κατὰ βίην καὶ ἀνάγκην διακρίνεται.

Ergo decimestris partus est perfectissimus.

Proponebat Lutetiæ CLAVDIUS TARDY Lingonensis. A. R. S. H. M. DC. XXXXII.

DOMINI DOCTORES DISPVATVRI,

M. Victor Pallu.
M. Georgius Ioudouyn, Praeses.
M. Hugo Chasles.

M. Nicolaus Heliot.
M. Ioannes Vacherot.
M. Claudius Seguy, Christianissimæ Reginae
Medicus Primarius.

M. Dionysius Guerin.
M. Ioannes Riolan, Christianissimæ Reginae
Matris Medicus primarius.
M. Michael Toutain.